



Broj: _____
Ilidža, _____

Na osnovu člana 7. stav 2. Zakona o budžetima u Federaciji BiH ("Službene novine Federacije Bosne i Hercegovine", broj 102/13, 9/14-ispravke, 13/14, 8/15, 91/15, 102/15, 104/16, 05/18, 11/19, 99/19 i 25a/22) i člana 28. Statuta Općine Ilidža ("Službene novine Kantona Sarajevo", broj 33/10-Prečišćeni tekst i 18/16), Općinsko vijeće na sjednici održanoj donijelo je

ODLUKU **o izmjenama Odluke o izvršavanju Budžeta Općine Ilidža za 2023. godinu**

Član 1.

U Odluci o izvršavanju Budžeta Općine Ilidža za 2023. godinu ("Službene novine Kantona Sarajevo", broj 2/23), član 15. stav (4) mijenja se i glasi:

(4) Osnovica za obračun plaće u visini od 385,00 KM i bod za obračun plaće u iznosu od 1,052 primjenjivat će se za obračunski period od 01.04.2023. godine do 31.12.2023. godine.

Član 2.

Ova Odluka stupa na snagu narednog dana od dana objavljivanja na WEB stranici Općine Ilidža, naknadno će se objaviti u "Službenim novinama Kantona Sarajevo".

DOSTAVLJENO:

1. Općinski načelnik
2. Služba za finansije
3. Za objavu na WEB stranici
4. Za objavu „SNKS“
5. a/a

PREDSJEDAVALAČI

Tarik Stambolić, magistar poslovnog prava

Obrazloženje

I Pravni osnov

Pravni osnov za donošenje Odluke o izmjeni Odluke o izvršavanju Budžeta Općine Ilidža za 2023. godinu je sadržan u članu 7. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", br. 102/13, 09/14, 13/14, 08/15, 91/15, 102/15, 104/16, 5/18, 11/19 i 99/19) i članu 59. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH, broj 45/10, 111/12, 20/17), u članu 5. Odluke o plaćama i naknadama plaće u Općini Ilidža ("Službene novine Kantona Sarajevo", broj 27/13 i 14/21), Kolektivnom ugovoru za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj 6/20), članu 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i članu 28. Statuta Općine Ilidža ("Službene novine Kantona Sarajevo", broj 33/10-Prečišćeni tekst i 18/16).

Članom 7. Zakona o budžetima u Federaciji Bosne i Hercegovine propisana je obaveza donošenja akta o izvršavanju Budžeta, kantona, grada i općina.

Članom 59. Zakona o plaćama i naknadama u organima vlasti Federacije Bosne i Hercegovine propisano je da općinski načelnici u dogovoru sa sindikatom utvrđuju osnovicu za obračun plaće. Članom 5. Odluke o plaćama i naknadama plaće u Općini Ilidža je propisano da prilikom utvrđivanja osnovice i boda za obračun plaće uzima se u obzir projekcija budžeta za narednu godinu kao i kretanje GDP i indeksa potrošačkih cijena, a prema posljednjim podacima Federalnog zavoda za statistiku. Članom 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i članom 28. Statuta Općine Ilidža propisana je nadležnost Općinskog vijeća u donošenju budžeta.

II Razlozi donošenja

Općinsko vijeće Ilidža je na 19. redovnoj sjednici održanoj dana 22.12.2022.g. donijelo Odluku o izvršavanju Budžeta Općine Ilidža za 2023. godinu u cilju utvrđivanja načina izvršavanja Budžeta, upravljanja prihodima i izdacima Budžeta, prioritete u plaćanju, finansijsko izvještavanje, revizije i kontrole Budžeta, ovlaštenja Općinskog načelnika, te prava i obaveze korisnika budžetskih sredstava u izvršavanju Budžeta, kazne za neispunjavanje obaveza i druga pitanja vezana za izvršavanje Budžeta.

Na osnovu pregovora sa Sindikalnom organizacijom općinskog organa uprave Ilidža, a uvažavajući stopu inflacije objavljenu od strane Federalnog zavoda za statistiku te shodno osiguranim sredstvima u izmjenama i dopunama Budžeta Općine Ilidža za 2023. godinu, utvrđena je nova osnovica i visina boda za obračun plaća a što je rezultiralo povećanjem ukupne osnovice za 1,43%.

Na osnovu navedenog donesena je ova odluka.